



臨汝王統

必元甫著

曾孫廷垣

康侯甫編

七言律詩

次本府太守陳公紀夢

斯文懼切夢蒐飄月闕雲衢恣遠眺恍惚一身臨蟻
穴分明五手奪龍標放衙徒自矜紬被得路行看釋
褐貂卧治聲充今尚烈敢誰便腹議邊韶

寄松滋分教弟東里和柳州

手足情親何不然浮榮牽絆有無邊頻頻屈指恰周
歲苦苦傷懷如屢年千里關山今夜月連床風雨舊
曾天何當共理涪溪釣醉卧蘆花淡處煙

東臯弟在縣禁詩以寄之次唐柳州別弟韻

獨勞王事豈其然世態浮雲眼界邊不是禁囚相對
處何如梁獄上書年覆盆裏面原無日公案前頭別
有天早晚涪溪槐樹畔墳笮聲裊華堂煙

贈竹溪陳君

竹頭風似草頭風溪上公如河上公趙孟浮然心地
外岐黃真趣性天中眼嫵世故雙番白顏暈春和兩
點紅贏得鄉人語音好醉花吟月一閑翁

孟賢與本府二守麥公瑩詩

人品英豪天賦奇事公談咲一揮之寸心更不容毫
髮半眼何曾覩面皮惠澤融融知感化恩波浩浩任
猷爲鄙翁久遜乾坤外也效齊民獻頌詩

次柳子厚別弟韻寄松滋學東里弟

賢弟爲名心火然何當一達四聰邊韶顏今日異前
日選額三年仍九季羸我口能歌白雪敢誰頭不碍

東坡家乘 四卷
青天道之出處全銷煉歸尔同噓一燼烟
賀文 接松滋司訓東里弟書喜而賦此
一緘書若萬金然宦况鄉情日睫邊聊慰寸心朝共
夕免睜雙眼夜如年名門利路迷人地知水仁山聖
者天自此吾儕當達悟浮生奄忽樹頭烟
八 寄松滋儒學東里弟詩
孟浮竹葉板敲檀也不悲恸也不歡但願老天常衣
被何妨誕日舞斑斕玄霜搗處功多少白雪飛時驗
易難歸我可人同究意幾廻門倚夕陽山

別湖東道陳憲僉陞大參

健筆如刀破衆難幾多冤滯得開顏秋霜可掬面皮
上春意都周腸胃間一代清名歸物論九重丹詔陞
仙班野人幸覩明良會飽飲酣歌白晝閑

奉和何通府致政

二首

持竿重上子陵磯塵世紛紛漫是非狂客有情歌鳳
調細君何事說牛衣棠棣陰滿日加茂芸草香生春
自肥溪袖一雙醫國手如今只把自家醫

五湖烟浪一苔磯獨此高哉外是非蟻枕驚回回梓

里羊裘羞着着策衣傍觀碁局成和敗閑咬尊根瘦
亦肥試問兩京當道者滿前疲瘵着誰醫

和陳府尊招集餘賊卜宅新邑韻

肯愛墜人腰帶黃水雲鄉裏閱農桑分頭散盡大倉
粟衆手插周南畝秧自浪紅塵經世變黃鷄綠酒活
家常夜來撫詠昇平頌歷數乾坤並久長

次陳同年民望

滯雨迷濛暮夏朝當年豪氣謾囂囂人誰董子振長
策客不蘓公吹洞簫天地兩間中立我古今千載幾
逢堯緩拈詩筆頻頻酒落盡燈花又一宵

次季太守希先

有個先生真作家東風兩袖杖藜斜夜捺理窟或三
鼓春藹翰林唯一茶醉舞便嫵天地碍狂言肯信聖
賢賒曲闌干外長簷下看老春紅幾度花

歸就雲山深處家柴門開傍石橋斜賞春每問有花
榭解暑不嫵無果茶老大事來渾不理尋常酒熟便
教賒醒時行樂醉時卧一任東風開落花

示志

非迂非俗亦非顛
黑夜酣歌白晝眠
流水落花浮世界
片雲孤鶴散神仙
脚尖踢破三生地
毫孔鑽窮萬劫天
八面好風雙舞袖
飄然身在太山顛

余年七十賦詩

勘破浮生休便休
一齊分付水東流
免教籍籍雌黃口
訕咲營營老白頭
斜日共催人罷市
好風先送我登舟
飄然去了烟花債
醉舞狂吟汗漫遊

詩文大費精神為保天和者
突忌且豈人不知
珍重雖六經復作亦不加意
況其他乎可笑可怪
因唐詩一句用賦二律為再作詩文之戒

詩賣明時不值錢
唐人本意為詩言
豈知文字亦如此
可笑世情全不然
環轍懶鳴夫子鐸
援琴欲絕伯牙絃
殘花敗葉凋零甚
露出鴻濛未判根

詩賣明時不值錢
文章今日亦同然
奪標名重歸田早
潤筆貲輕造化偏
莫也丁儀辜列傳
可曾王勃際華筵
窮頭掃盡閑風月
嘿嘿神遊太極巔

有感 次唐詩韻

家住浯溪儘北邊
鶴汀鷗渚迥相連
庭槐陰覆眠雲

楊岸芷香浮載月般天趣有時融物我春光岌岌歲盡
山川可憐河浙紅塵地名利淹延十數年

物外 次呂純陽韻

大道何須杖掛錢彼勞檢點此勞穿茫亡不盡人觀
海滾亡无休子在川四序周流培實地一陽初動探
先天此中便是玄機訣外此玄來不是玄

又

在羨青銅萬種錢金錢雖種亦難穿要從毫末見千
古須信尾閭消百川隔個關分人與鬼納丸藥混地
和天太玄謾說楊雄草我草新詩更太玄

寓撫城有感

十季重到撫城遊在變撩人只領頭面會温存渾似
昨心知冷落甚於秋驚聞李客梅花笛忍說張家燕
子樓欲話此情誰問對夕陽西去水東流

東洲翫題 二首

嘉靖改元次之五東洲行年七旬八身隨雲水以遨
遊心妙乾坤而塊軋飄然七尺凡世軀颯尔幾莖公
道髮醉來衫袖舞郎當八荒放蕩天風發

東洲行年七旬八嘉靖改元次之五老公難同傀儡
搬狂來却把干將舞花七月月春及秋歲七年季今
又古若人詢我細來由可往桃源尋洞主

閑敘

老累非言風裏燈在人着意去支撐一心種我菩提
樹雙眼瞪他傀儡棚金粟粒生丹滬竅玉蓮花發華
山層醉來往管風流在豪氣猶能跨五陵

述懷

人謂風流老不宦老風流處許誰知突揆長統潛虐
論親際淵明歸去辭咫尺薇垣天北極尋常蓬島海
東涯大方家素真機度三復關雎窈窕詩

題極愚人卷

回也如思誰極愚極愚人費我分疏模稜已屬事爲
末混沌却居元始初方寸箇中渾了了大千界外本
區匕如思匕到真愚處愚極其如太極與

閑懣

風充邀結我閑遊一丈山溪十里幽鶯戀杏花啼不
住魚貪柳絮去還留浮生盡付形骸外吟料都橫眼

界頭紅日半山歸路晚混然樵唱與漁謳
臨川七十八都今改東鄉廿一都感而賦此
今有東鄉廿一都臨川七十八都無可憐人世更張
也不重吾民感激乎黃老劉顛空宇宙孔顏開口便
唐虞頂天立地超今古誰獨英雄好丈夫

自况

撇下利名蜂蟻叢泰然忘却達和窮相隨外太山山
月獨立中來面七風舞弄烟花消日子遨遊身世賀
天公眼看萬種浮生物一滾江流晝夜東

借說二句續成一律

後生莫笑老人衰老人曾作後生來兔穎蘸來菜海
變馬蹄踏得杏林歪當時志在禹臯列此日心期黃
老偕俗眼莫教容易看紫雲鄉裏醉蓬萊

閑行

拄杖徐七村落行眼前物七露真形雲生石底連根
白山隔溪來對面青野叟取魚蒙水禰家僮放鴿闔
風鈴戛然耳畔聞鳴鶴盡喚塵寰醉夢醒

其二

拂袖歸來不苟行了無人我兩忘形白頭枕石石般
白青眼看山山倍青衆水任磨江面鏡入風難動雨
中玲鳴鐘猛喚時人夢鍾未鳴時我夢醒

城居

風景淒涼落木秋碧天如水鴈悠々人間世界能多
久客裏年光忽一周屢空肯彈馮氏鈇相思或上仲
宣樓料今脫洒名場去到處青天不碍頭

閑書

古往今來故與新東風陌上轉車輪尋常事或非常
事如意人還失意人百却不灰心上火五湖纔埽塵
根塵伊誰跳得樊籠出冷眼瞧來始見真

其二

誰扮閻浮傀儡場歌衫舞袖好趨蹌侏儒自取輕方
朔鮑老分明笑郭郎天地有時非正氣男兒幾個秉
剛腸不如喚取漁翁伴淡入西湖款乃鄉

憂亂

平白江山變綠林倉皇民庶走紅塵幽花對酌無知
已野鳥羣飛不避人五載墜窮益下日一家移就擔

頭春追歡應有鐘離輩且待清平好日晨

感興

秋思亂隨風葉飛王陵霸寢其萋迷一中只到舜傳
禹三代何能梁與齊兼併無人容榻地偏安有客侍
尤泥悠七今古成多感滿日關山日又西

其二

書生終日口泥喃寧道其間太不堪二帝遊魂羈漠
北五胡腥氣逼江南商鉅幾度滄溟赴積衛多情太
華啣詞客有懷增感激汝川風物類湘潭

其三

天塹何如聖德涵混然河北與江南霸圖未可飲
說世務或能捫虱談弱晉已居周洛汭強秦終與漢
嶠函斜陽催得鴉歸盡兩鬢西風口獨緘

其四

惠和尹任伯夷廉試問其間可否兼龍馬以前无點
畫鳶魚之外有飛潛紅塵滾七浮生盡滄海茫茫大
岳織道不我行歸去也春風淡護落花簷

其五

謀王斷霸幾經秋走鹿茫茫未肯休謾道關中據形
勝可能江左逞風流嬌娃欲貯黃金屋詞客偏居白
玉樓嗟我爲君陳至義內存姜邑外伊周

壬戌春致政作

萬頃風波獨掉歸好山飛翠染人衣相逢盡說閑時
好已往寧知昨日非兩袖春風萊氏綵一簑烟雨子
陵磯無端尚有中宵夢幾度排空八翼飛

歸次常山道中

短鋪長亭歸來遙馬頭山色翠相招便尋風月窩兒
住硬把乾坤擔子挑道苑誰尋千古緒詩壇另插一
家幟山山有樹堪啼鳥醉舞春風兩袖飄

謾興

歸卧青山雲樹窩不干塵土不風波逢人動輒千杯
酒浮世分明一尺梭珠履客調紅叱撥繡簾人教綠
鸚歌道人適意須行樂報主威名今在麼

閑中

六合茫茫俯仰間千金難買一身閑落紅襯展夜來
雨浮翠染衣雲際山長嘯一聲天宇闊縱觀千古物

東坡全集卷之四
情怪誰知倦翼梢頭鳥萬里雲霄薄暮還

偶書

一葉扁舟過五湖蒼山雲樹隔京都閑將日月消棋局醉把江山當畫圖造物有情庸玉汝浮生無計托金吾頂天立地誰張主辜負堂上好丈夫

其二

去去季允逐逝波杜鵑聲裏又春過可堪白眼空人久無柰蒼生薄命何殊也未安莊叟夢鳳兮誰唱楚狂歌春閨花柳秋園月爛醉乾坤舞釣簑

言懷

是是非非見得真風波叢裏早抽身幾遊勝境閑消日一入醉鄉都是春污濁厭他浮世界風流輸我謫仙人明朝把釣蒼江畔洗盡浮生兩足塵

其二

十二欄干一欠伸竹床蒲席稱閑身簫吹楊柳樓頭月盃洗桃花洞口春風物僅償詩酒債江波頻趨古今人憑誰挽取天河水盪滌閻浮末劫塵

遊北禪寺

小竹筵兒暫息肩松雲隱約見金仙紅塵謾尔飛頭
上清境依然落眼前拄杖香粘苔砌露誦經聲裊石
壇烟醉來乘興詩題壁今古何人更我先

重宿北禪寺用前韻

一擔乾坤放下肩歸來林下做神仙英英志節敢人
後拍拍容華都我前安得禪關全度日不知煨燼幾
噓烟男兒出處非無謂千古人豪只後先

謝家埠登岸

御却孤舟野水涯香塵撲面走風車白沙翠竹不多
路茅屋竹籬凡幾家天際雲連坐榻小樹梢風颭酒
旗斜眼前景物供詩料獨有寒梅未肯花

客館

坐久風吟紙隙開心同爐火漸成灰悠悠往事謾三
省嘿々愁腸真九迴興盡欲還中夜掉情多難放百
年杯不堪枕上孤眠耳落盡城頭幾笛梅

途次

江上青山日望頻悽悽風景更愁人客中稍字難成
便夢裡還家不當真俯仰乾坤雙短髮往來雲水一

閑身不須更說前頭路陌上風波瀚海塵

爛米畚

爛米畚頭閑送日馬勒東風蹄局促世變竟消露漬
紅春光又染烟蕪綠紫練情猶舅氏恩青苗法豈民
生福鞭揮斜日蔗崗西野鳥如歌又如哭

遊寺

次伯父庸齊侍御公韻

馬足車塵年復年好姻緣混惡姻緣一坏黃土了人
世四顧青山皆佛天衆口談些平等話誰家做個上
乘禪及今鄉射便相約安在教分紅白蓮

物外

次呂洞賓韻

陌頭飛滾紙灰錢勘得闌浮世界穿老氏便尋真上
道吾儒也指逝東川龜蛇蟠結胸中地魚鳥飛潛性
裏天參透其間清意味等閑人物盡徧玄

其二

不老方兒不賣錢不愁吃用不愁穿連根拔去雲生
石徹底空來月在川下脚更无些黑地上頭原有個
青天可堪紫陌紅塵味只教靈珠獨顯玄

眠食

春花秋月滾流季日日三槍夜夜眠眩子裏頭無黑
地冠兒上面有青天神遊造化心何主跡混塵埃骨
可仙滿眼世途名利客盡依規矩弄方圓

養疾

湖海風波飽慣經轉頭一笑故山青自然節奏詩無
敵偶爾春回藥有靈世業且拋身外物秋毫莫遁眼
中形從今學取逍遙步不讚荒坵墓口銘

閱子書

蒲樹西風落葉初半空飛下萬金書楚鄉近日多流
殍藩府同年已謫居旅次真同萍梗樣歸期尚在菊
花餘何惜杯酒團樂話莫使家君暮倚廬

無題

墜地升天莫管他且隨緣分做人家佳人笑捧銀壺
酒稚子閑澆綵檻花撮弄眼前人傀儡營謀身外鬼
揄揶浮生不必生涯慮但有生來便有涯

秋步

兩袖西風出小齋秋光隨處可人懷拄歪班竹齊眉
杖踏破黃麻鞞脚鞋真趣得來平白地斜陽染就爛

東清家乘 四卷
紅堵畱連直待月明上沿路送人歸去來

春行

兩月春纔一日晴便同遊伴出山塵鞭催綠樹陰中
馬梨弄紅花影裏鶯賀老顛連狂客醉杜公吟詠麗
人行老年不負青春樂蕭洒風流過此生

重九

正德十四己卯

九日菊茱娛令節百年萍梗慨浮生流連且盡樽前
興洒落誰知物外情風景無邊邀我去乾坤有道待
人行消閑便了今朝事何必高七嶺上登

元夜

正德十五年

忽驚燈節兩中臨鬱七長愁付短吟宿世定知仙骨
骨新春猶切道爲心浮生末尾盡黃土大化根頭有
紫金老境逼人思自奮酒濃歌艷畫樓深

春悶

浮生忙侶落花忙一度看花一斷腸道我有綠春又
老懷人无寐夜偏長功名枕上虛花夢水火爐中妙
藥方青鳥不來黃鶴去更憑何物謁純陽

重陽飲東臯第家

東清家乘 四卷
碧天如水馬啼霜畫出吾人作戲場
老太况逢全盛世浮生能過幾重陽
詩吟白雪心遊古酒飲黃花骨透香
道有夙緣君且柰莫教辜負眼前觴

撫景

酷愛雲山別畫屏不堪風水蕩萍星
悠々今日復明日太々長亭兼短亭
天運似環循不了人生如酒中難醒
誰知太華峯頭上玉井蓮開好濯纓

庚辰膺月偶題

浮生終日奔塵緣兔走烏飛螿磨旋
新正太々今方一月古稀過後忽三年
時觀筮草將分際春換梅花未放前
滿眼俗流殊不解自家頭上有青天

清明

辛巳歲作時正德十六年

風光陌上繁花柳兩點墻間闌草菜
化主亂堆平地火鼓哀高震半空雷
閑門要路春如畫霸寢王陵冷不灰
安得獨超塵界去片雲孤鷲海天隈

重九作

浮生能見幾重陽幸此佳辰猛進觴
竹葉滿浮杯面白菊花淡透酒心黃
包羅風物爲吟具傲睨乾坤當

戲場醉後登山最高處劍鋒難割鐵人腸
立夏小酌
夏景初交絕類春隨空杯酌也須陳花如勸飲多情
妓鶯比嬌歌可意人醉後風流忘我老吟邊烟景撩
他貧了無繫累閑消遣過活吾生好日辰

重陽有作

端陽纔過七重陽四季相催一箭芒歲月未消心上
火秋風仍染髮邊霜情懸物外鴻濛竅跡混人間傀
儡場醉了又醒七又醉且將花月度年光

人日

嘉靖元年

忽然時序逢人日聊尔情懷慰我春小酌也能消世
慮大還終畢返天真本來面目曾誰見老太頭皮轉
覺親柳眼向青梅臉白東風又弄一番新

春日閑敘

何限山邊與水濱閑花野鳥一般春往來方外二三
子生歿世間千萬人蟻枕盡尋南郡地漁舟誰躡武
陵塵慢七飲來徐七唱推老柴門幾夕曛

除日

嗟予最後飲屠蘇飲後能無感激乎盡道長生原是
有明知太極本於無草畱根在芽終發梅到花來樹
若枯物理細窮人猛進乾坤別有一鉅爐

重九日作

不堪佳節趁年光落葉紛飛鴈作行來往閑人知己
在成生大事爲誰忙一醉歸去陶元亮三易參同魏
伯陽風景暫時撩弄我茱觴吟醉菊籬傍

秋日

可愛江南景物偏晚秋時候類春天碧雲似草碧无
間紅樹比花紅更鮮鏡面水澄魚可數箭前頭風急鴈
難聯奚童數報歸途晚未了空齋打坐緣

其二

碧雲紅樹早霜天玩景情如味道堅信道杖藜行復
止相他飛鴈斷還聯浮生難却髮邊白真趣頓添心
上玄嗟此一遊淡有得八風雙袖舞翩跹

元宵

等閑時節又元宵笳鼓連村類市朝天上人間光掩
映風情月態興飄飄浮身丈六金何在劫世三千火

漫燒酌盡芳罇發長嘯一聲高響徹層霄

春晴

天放尋芳一目晴曉來命僕已先聲只消兩味詩兼
酒馬用多端鼓與鉦美貌女欺花貌美清流人比水
流清鳴鳩到處催耕急羸我閑吟筆謾耕

中秋有感

因循又是中秋夜落魄還如舊日晨白髮莖匕曾否
變丹頭粒匕有无真何緣步驟行空馬无柰稽遲守
涸鱗明月滿樽張醉口一聲長嘯過層雲

重陽日作

紫萸黃菊開重陽如此佳時莫泛常操飲十千今日
酒免辜三萬百年塲杜陵老太吟懷壯元亮高登往
跡荒八面好風雙袖舞碧雲紅葉共遊揚

元旦

嘉靖六年正月元旦昔七十九也

七十九年今屬我百千萬事總由他古今一脈源匕
道人物三生滾匕波醉月吟風斯可已梯天航海柰
之何八風披拂雙飛袖中大乾坤發浩歌

其二

一度東風一度春
乾坤容我老
閑身手拖杜老尋詩
杖頭岸陶公漉酒巾
在也
有山兼有水
悠悠無我亦
無人天高海闊
河沙界不盡風
光萬古新

重陽

去年九月雨淋漓
今喜清明頗慰心
紅樹粧嚴三月
麗黃花理料
一秋唵道中
天地人偕我
醉後江山古
亦今千載義皇
依舊在陶潛
歸卧北窻陰

春日

梅花疎冷杏花稠
似水光陰不斷流
兩手撥難開世
故一肩挑不得
春愁
玄關得藥
何年事
紫陌看花少
日遊搔首
乾坤風兩袖
夕陽吟倚
幾番樓

其二

綵綉山河花錦城
皇天於我太多情
渾融物我心
方寸瀟洒風塵髮
數莖歲月熬來
梁脊硬
功名勘破擔
頭輕
詩壇酒榭閑
風月舞弄
烟花過此生

秋晚

竹外秋聲漸作威
撩人无語送斜暉
秋光點也
螢分碎
寒信行也
鴈帶歸
愁障不前
輪酒力
淨功以後
合

禪機人生窮達真何似花落東風各自飛

自慶詩

次韻原山吳生鈍

何物常七眼界新不今不古不埃塵先生自是海鷗
伴後進視猶天馬倫話到甜時頭屢領路逢險處足
如循壽鄉遠接仙鄉路无限烟花打一身

壽且自賦

黃花綠酒古稀筵簾幙東風動管絃造物送人行壽
地飛仙遲我謁鈞天重陽纔過无多日已巳重逢更
十季醉向衆賓開大口要看滄海變桑田

秋懷

白鴈南飛秋作聲耳根撩亂眼頭明碧空一色水連
着紅樹四圍霜染成詩社人偏逢勝境酒家兵不打
愁城名場事了飄然去只此區區七撓性情

食李

旋堆鮮果小瓊盤到此誰無舊日酸齒角嚼開雲母
片指頭拈出水晶丸今人大抵皆鑽核老我何妨一
整冠脆味新香清透骨吟懷精爽酒腸寬

秋晚

四顧炊煙兩耳砧角聲嗚咽鼓聲沉雲花漫散月
光薄風木彫傷秋意淡枕上幾番浮富貴壺中一味好
充陰物華只解催人老肯信英雄不老心

秋夜

玉露飄涼沁畫屏叫雲鴻雁度街螢碧空連水月无
影黃葉走堦風有聲推枕懶隨蝴蝶化吹笙要學鳳
凰鳴長欄曲曲都凭徧不盡今宵輾轉情

冬至

一氣乍回冬至候予生未斷世途緣天機旋斡正於
此人事參商胡不然虎戰龍爭難了手男婚女嫁尚
擔肩且安天命酌尊酒醉倚東風雙袖偏

春日

千里江南畫不如花天柳地錦城都不知身外物多
少曾涉宵中春有无野老或爭吟社席醉翁寧在酒
家爐來今往古人千萬誰出乾坤做丈夫

其二

春來吟弄日無休遍倚江山畫裏樓歌壤不干堯世
界當塲還做晉風流醉眠花徑日斜後夢斷蓬山天

盡頭長嘯一聲茶兩口太然心事付虛舟

其三

心火光涵玉液涼靈芽秀茁幻軀香平拋民社還堯舜妙用天機入老莊舉世謾誇牙角翼浮生都付眼頭忙一聲長嘯雙飛袖來往風塵送夕陽

其四

燒痕磨滅綠漫坪流水光陰蕩廢興情寄隴梅空有恨夢回池艸苦无憑風雲近午程明道花鳥愁春杜少陵二子高風依舊在乾坤於我不虛生

夏日閒題

紅光脫卸綠陰函舞弄烟花我獨堪千載風流三島外十年蹤跡一江南浮生壳子如何脫太極圈兒逐旋揆黑早起來清夜卧共般家數隔仙凡

春分日閒步

耀日花光燦眼明吟鬚拂面柳風輕三千世慮久拋下九十春光今適平掃石坐嫌塵土混沿溪行撥水源清時人只道閒遊好不道閒遊外有情

晚眺

東坡家乘 四卷
讀罷唔呷啜罷茶夕陽勾引踏晴沙界開山色一行
鶯應荅溪聲两部蛙拄杖僧歸岩寺急推車人過石
橋斜天然一段清幽景不屬詩家屬那家

立秋偶題

黃鳥喧喧綠樹幽韶華踏逐水東流轉移茵蕭花邊
日走透梧桐葉上秋雜戲蒲塲紛日曉浮生一担脫
肩頭蒼天皓髮男兒漢醉倚斜陽十二樓

冬日雜懷

陽春透遍老梅枝試與奚童一訪之此外皮膚何足
較其間的確付誰知陰霜只爲天開早光冷休教日
上遲信口話兒皆實事世人千萬莫生疑

其二

雲色沈迷寒氣凝老天剛放一朝晴添塵霜汁不多
點撼地風濤何限聲筆滯免毫水硯沼茶翻蠚眼沸
瓶笙我來檢拾詩家料鼓轉譙樓睡未成

其三

漫散浮雲晴亦陰倔強老漢醉還吟南風吹作雪之
骨中土生來天有心去市朝塵不惹源源洙泗水

通尋興豪憤索寒梅笑彼此相看一賞音

其四

叫天寒雁噪雲鴉倚遍長欄日又斜
大造未應淡負我少陵何止苦思家
離情零亂風簷葉往事淒涼月
殿花忙喚小姬斟老酒醉鄉淡處了生涯

新春

風雨送將殘臘太如何却又早春迎
更兼雪子似珠大誰謂天公如掌平
世界滾成眞未劫韶華偏與老先生
詩壇酒社烟花陌此太風流正好行

春日小酌

百盞香蛆一筋鵝東王公宴北城
阿襟裾那個及牛馬唱飲或時連
李羅今日總無民社責老天將柰我
曹何劉郎只恨蓬山遠曾識香山會也麼

寄丁引禮

寶曆開緘宛見君眼中人物可誰羣
胸襟浩浩着千古氣節稜稜陵五軍
淡夜有懷乘雪掉新春何幸過柴門
花香淡處柳陰下顛倒主賓尊復尊

次韻陳府尊元夕

行色相兼飲興濃
民家侯府混歌鍾
花光煥發春將爛
雲彩消磨月益空
老大胸襟天海闊
昇平氣象古今同
要知功化真端的
南面堂堂有冉雍

其二

久忘時態淡和濃
黑夜眠床早起鐘
但得風光歸掌上
管他世事到頭空
機關會日三生破
燈火良宵萬古同
拍手唱歌張口咲
看人浮世樂雍雍

立春

夙酒醺人滯臉紅
三竿赤日尚頭蓬
新春雨會土三寸
浮世人生花一叢
天地中間誰物我
古今前後訂雌雄
溪山木石鈎簾外
不獨曾零一處風

春日

曾尋春色到長安
綠野風情想不慳
一歲總輸三月好
百年能勾幾時閒
詩愁酒病縈眉翠
柳嫩花嬌觸目班
誰學莊生心事靜
夢隨蝴蝶遶平山

端午

佳節催人老
益嫌旋排盃酒掃
華簷貧家也效富家
樂酒令不消軍令嚴
醉後紗冠誰慣落
吟邊綵筆我

先拈扶歸不必燃明燭
月子彎二上綉簾

端午席間

拂拂薰風爽汗衫
杯盤羅剗畫堂南
人如花萼情長厚
酒不茸蒲味也甘
浮世儘多般變故
當家好幾個兒男
叮嚀畱取姜肱被
永作綱常樣子看

秋日偶成

紛飛落葉亂辭柯
試問先生近若何
久不衣冠成野性
常將筆硯柰詩魔
天公幸熄心頭火
日子從拋眼界梭
夕影半簷風滿袖
一聲長嘯隔烟蘿

其二

梧桐葉落豆花疎
秋意頻頻攪坐隅
紅日轉堦駒隙速
碧雲漫野雁聲孤
一空了盡浮生訣
萬有根將造化爐
到得泰山峯頂上
烟花無限眼頭舒

其三

宋玉悲秋懷轉添
我於秋也兩无嫌
杯杯相對菊花好
筋筋只便尊菜甜
風戲酒狂吹落帽
月憐詩苦竊窺簾
清宵喚醒塵埃夢
鐵馬釘鐺亂走簷

其四

蒲鏡驚看白髮多一尊將柰素秋何無人解和陽春
曲有物能辭社日窩歲月奔馳窮世界風塵洛洞活
閻羅天高地厚滄溟濶两眼斜陽送逝波

其五

燕侶辭歸雁陣來夕陽無語立閒街碧空和水一般
色黃老起人千古懷修合陰陽爲藥服劈開天地做
棺埋和凡混俗模稜着不此駭兮不彼乖

其六

春意不隨秋往來杖藜矻徧夕陽街三生流水落花
夢一種好天良月懷藍采踏歌真自得劉伶醉卧果
誰埋清宵重席朝溫酒莫被西風賣弄乖

哭東臯弟

酷吏催科猛火然誰知虐焰墮君邊孤兒竟負送終
夜甲子適週歸壽年不日黃緣離獄地平時志願在
壺天風流文雅今何在空裊祠堂一篆煙

輓東陽弟

生離死別重悽然淚洒槐庭坐次邊絳帳春風非舊
日青燈夜雨似當年浮沉世界三生地流水光陰一

東海家乘 四卷
夢天尚幸家傳詩禮在歲時祠墓起燔煙

哭淮姪 次唐詩韻

父子云亡家蕩然哀哉血怨漫无邊
孤眠荒塚夜長夜
夜鶴哭空山年復年萬事總拋波裏月
三生難擬洞中天不知此去誰爲後
相續槐庭一縷烟

東海家乘卷之五

臨汝王統

必元甫著

曾孫廷垣

康侯甫編

五言絕詩

林下野趨

更鼓恰三通夜飯不幾口展脚布被中一覺天大曉

右早眠

睡起小窻東飛二兩鬢蓬手爬風屑落眼眩日頭紅

右晏起

眼爍江海波口喧天地和清世不吾以蒼生如命何
右狂歌

風掀腋毛飛電爍眼花亂醉劍擲長虹首尾應兩斷
右醉舞

我頭真懶梳我髮不暇剪只怕帽與冠隔天一重遠
右蓬頭

有昔汗漫遊有時逍遙步終日踞胡床不躡荆棘路
右跣足

風月有餘興溪山無盡頭夕陽吟未了更上月明樓
右浪吟

人倚酒邊樓鳥啼花外樹隨意三五杯不覺烟村暮
右草酌

溪雲淡而浮山光濃欲滴東風信杖藜十里蒼苔跡
右散行

本是心齋徒也學面壁樣塵世大三千置之高閣上
右趺坐

膝頭直而豎脊梁倦欲倒仰面看青天容個風醉老
右箕踞

浮世太悠悠
浮雲飛片
一曲手支倦
頭孔梁吾能見
右肘卧

重陽無菊

黃酒可數斗
菊花無一莖
先生戀重九
重九負先生
其二

舉目景無限
燃鬚詩幾行
菊花不重九
辜負菊花王

東涪家乘卷之六

臨汝王統

必元甫著

曾孫廷垣

康侯甫編

七言絕詩

寄表姪饒達

往季會我撫城角
今日思君涪水頭
林竹中心塘上
面醉花吟月共誰秋

寄同年顏都憲天和

見任右都御史因廷重

行故附之

君肩挑重乾坤擔我脚躡平雲水窩管也同年今異地便鴻能勾幾番過

途中感大尹東溪兄

小傷岡連大傷岡雙橋短七獨橋長郡城東北斜陽路兩袖啼痕一簪忙

其二

公年今日共東溪旅次盃盤馬上詩風景依然人事換浮生何處問安期

其三

水碧泥烏野鴨蒼屯田荆國幾斜陽辛夷不管人間事依舊花開蒲蕪岡

次韻寄謝經歷庭叙

老我先還八載山君今學我也投閑好開大口大前說打破浮生憂覺關

其二

莫笑先生僻住山詩朋酒伴沒些閑思量難學陶彭澤五柳門墻盡日關

其三

東坡全集卷之六
二
動中流水靜中山道我閑來未是閑白眼三千塵世
界不知多少弄機關

其四

一榻茅庵四壁山浮雲流水其閑閑此中便可燒藥
石何必西遊函谷關

奈何

少年有術奈何貧奈何刻縉紳今有奈何年老
術老年奈何不得何人

偶感

瑤池瓊結千年果玉井花開十丈蓮日玩兩般花與
果莫教容易隔籬邊

其二

古來事即今來事天上人同地上人若也人匕能事
事古今天地一般春

次韻小詩二絕

一簇漁樵好幾家四圍竹木不多花主人酷愛通隣
好日日相過日日茶

其二

東隣賣酒西賣花中間夾着鐵漢家早起躬耕夜積
學花不一觀酒不賒

書事

五載擾攘非鼠賊一春殘虐有狼兵王師自古稱無
敵知者于茲料不平

其二

將軍何處撤營還花落春歸四月間破竹不乘連捷
勢插秧空受一翻寒

其三

土軍行討涉三月漢將告成還幾時制帥大臣存體
面端居城府有猷爲

其四

歌凱醉中誇壓卷風塵網裏漏吞舟浮沉杯面畫兼
夜展轉筆頭春與秋

歸田十詠

次厚山吳大尹

英雄今古百千秋共此風流共此羞三徑菊松春藹
藹五湖烟水日悠悠

其二

不嫌老手混庸醫
不行時袖手歸
兩字春秋吟裏
筆一篆烟雨釣邊衣

其三

懶坐衙來好坐關
何人閑似此公閑
果然妙得閑中
趣合列義皇上一班

其四

耳厭金風聒暮暉
手攜端草種春田
會當世出三生
外贏得人誇一着先

其五

春有陽和秋有霜
韶華一夜眼頭忙
怕何人跳出樊籠
外老地荒天傲帝皇

其六

董生長策祖生鞭
維護不圖不記年
駭浪驚塵迷太
路不如歸抱白雲眠

其七

浮生播弄百年身
傀儡場兒未當眞
扶起泰山飛過
海乾坤外面太平民

其八

漁朋牧伴十餘家酒往茶來物可賒笑指彩雲天北
角獨攜明月海東涯

其九

白浪紅塵十載餘拂衣歸去就江鱸花軒熟睡日三
丈綠野恣行春一鋤

其十

浮華片匕眼前雲漉酒頻匕頭上市長笛喚醒千古
夜小舟裝就五湖春

紀事

五峯界首敵聲高大阜岡頭將壘牢戰守二途无定
畫公私百責只空勞

其二

野心直認利爲義公道何辭愛克威怪得瑤源山洞
口有人依樣畫鍾馗

其三

貨舟盡是良人女首級半爲平等民嗟此寃家原有
主笑他言路竟无人

其四

三顧誰能起卧龍六爻今不兆非熊也知小可秋毫
末不到英雄冷笑中

覽喜容

浮生誰有百年身七後曾經幾劫塵寄與丹青高妙
手世情空假不空真

其二

梧竹標姿玉雪神錦衣紗帽炤青春丹青不解隨年
換道寫真來寫未真

其三

管寫真肯尚黑頭而今髮髮幾莖秋丹青依舊人非
舊一度相看一度愁

其四

兔色鳶肩萬不齊丹青一筆好勾題由來方寸盈天
地聖授師傳種七迷

林下狂態

詩家吟債苦難還布滿乾坤宇宙間好景一些來眼
界閑愁都只上眉山 右償詩債

其二

東坡家乘 卷五
一日流連百十五百年三萬六千回醉來活跨仙鯨
去採石江頭做土堆 右撒酒風

其三

紫陌鶯花久慣看每逢花處便盤桓百年幾度花陰
醉誰肯容花半刻閑 右滯春花

其四

三千玉宇一冰輪景象无如此個真長夜不眠詩更
酒道人風洒費精神 右迷秋月

長夏雜題

兩扇紗門開白晝一床靜簟湛清泉竹夫人抱主人
睡桃洞仙陪蓬島仙

其二

老太風流太撒蠻花天月地酒江山儒家不減仙家
樂有顆胸中潑活弁

夏日小酌

茅蒲出水劍頭攢乳鴨遊池鏡面寬塵世大千消草
酌道人獨個坐蒲團

其二

瓊漿慢飲芳樽酒綵筆虛生夢錦花北牖南薰來陣
陣道人推醉到西斜

其三

綠樹飄風入酒卮黑雲拖雨趨人詩事拋身外嫌杯
淺興出頭來得句奇

午日憶二子

九日思家兄弟親茱萸欠插獨傷神今朝蒲節團樂
會家只三男客二人

午日憶兄弟

一氣本同兄弟家死生窮達各天涯傷懷午日菖蒲
酒過眼春風楊柳花

花晨

世人都說花晨好我遇花晨感慨多酒不劉玄詩不
白將何物事柰花何

送春

花邊酌酒酒邊詩圖得温存片餉時可恨子規情太
薄不畱春住勸春歸

其二

一春酒病與詩愁
灑斷髭鬚頷倦頭
誰料多情花與水
滾成紅淚滿溪流

寓居初夏

黃土庵兒翠竹笆
身心安處卽吾家
可怜一代孤蹤客
又見三春一夢花

其二

夜窻黑雨攪池渾
曉岸古山似馬奔
詩客眼添新景象
道人胸有活乾坤

其三

陰陰綠樹嘒黃鸝
洗盡繁華景益奇
絕口不言當道事
從頭且和作家詩

其四

黃梅雨滲百千點
綠樹鶯蹄三兩聲
不論山林與城郭
主人處處惹風情

其五

一連竹徑聞啼鳥
雙掩柴門懶惹人
酒盡一樽尋睡去
无懷民也葛天民

端午

處處龍舟標錦忙村村簫鼓少年場先生獨得養生術九節香蒲和酒嘗

其二

大力兒童上彩舟拾齊撓手搶標頭不知有個停舟客閑看清沙卧白鷗

立秋日

柳外啼鶯桑裏鳩風光不減向來幽多情一個梧桐葉却向人間報說秋

其二

昨日春來今日秋年華如水不停流催將艷匕花紅臉變做盈匕雪白頭

七夕

香燭樓頭鬧女奴針頭線尾做工夫丈夫別乞天家巧擺弄乾坤造化樞

其二

天上休將巧乞人人間弄巧已通神不知一氣原无巧管領乾坤萬古春

除夕

辛未歲

帳裏金盃百十行樓頭畫鼓兩三更迎新何似先辭
舊一歲相看好面情

春日對酒

填胸謾有五車書絕口難談八陣圖月下花前風物
外一頭鑽入酒葫蘆

其二

歲匕春歸今又來朝匕花落暮還開吾人未可春花
比且盡浮生有限懷

其三

醉袖翩翩笑口開三千世界一塵埃名坑利塹深如
海幾個英雄跳出來

其四

今古悠悠溪水流乾坤浩浩陌塵浮道人玩味中間
意醉領春風幾度頭

七夕日

萬里飛梁駕海潮銀河只倩鵲爲橋試將一事論機
巧天上饒於世上饒

其二

精衛飛啣太華峯商鉅馳赴大河中
鶴橋星伴生情欲萬古荒唐一啓蒙

其三

一年一會惜分携今日姻緣沒了期
三萬六千今日子浮生懽會幾多時

其四

烏鶴橋頭泪暗零論新話舊意丁啞
何曾說及支機石未分郎星與客星

夏日

藥佩紗囊逼汗香衣穿素練炤人光
年來灰盡心頭火不扇蒲葵也自涼

其二

愛殺閩溪白面蓮日長費我枕書眠
相邀毛穎陳玄子揮洒蘭亭記幾篇

其三

口緘時事雙瞳白顏羞天和兩頰紅
世路莫教輕料量主家原不甚礙聾

秋日

白白紅紅蓼間蘋風風月月暮兼晨秋杳不減春杳
好爭柰无人是可人

其二

閑題紅葉回霜信爛嚼黃花味露香塵世經秋多感
慨道人獨自享風光

其三

霜意畧悉楓上信風聲漸作竹間威人生出處如梁
燕春社來時秋社歸

其四

足濯清溪碧玉流眼穿紅樹楚天頭道人占斷風和
月千里江南一箇秋

其五

紅樹青山隔畫橋芙蓉綠木曉粧嬌年來詩力過鳥
獲按兩奚囊一担挑

嘲齒髮

齒牙搖落髮蕭然會有更生返黑年老信兩封空我
寄道人別是一家天

其二

一炷薰蒸百脉流如何齒髮未曾週
木朝東太星朝北造化工夫要盡頭

曉卧

塵世紛七利與名芒鞋踏破曉鷄聲
山窠睡殺俗和尚飯熟敲門恬不驚

其二

浮世三千砂一毫遊僊夢貼枕根牢
酒香滿鼻春雲爛花影橫窻曉日高

目疾

民不民兮官不官大千世界一般七
皇天儘有包荒量怪我尋常白眼看

其二

奈何盲目不盲心天轉高來海轉深
安得糊塗方寸去大家和混了先陰

春日雜興

燕舞鶯啼春正忙東風日夜趨年光
咬得野薺菜多味管甚海棠花不香

其二

鳥喚不回人世夢花飛難盡客途愁乾坤只在席前
面晝夜高歌樓上頭

其三

旭日曛曛烜錦霞紅先飛透曉窗紗夜來風滾鞦韆
索攪落薔薇滿地花

其四

苦苦攻詩髮色班厭厭中酒臉紅殷浮雲兩眼世情
薄曉鳥一聲春意開

秋日

江水秋涵鏡面空道人年久鐵心鏝迥超物我相形
外特立乾坤隔界中

其二

沿堤鳥柏漫坡楓血染霜華樹樹紅恍似桃源三月
景萬花窩裏醉春風

其三

泉枯木落亂雲慵畫出秋家老大容好學枯禪閑打
坐詩魔不斷往來蹤

新春冒風雨出城

春風割面酒擔當春雪欺人敢透裳老邁先生真漢
子定將生鐵打心腸

東溟家乘卷之七

臨汝王統

必元甫著

曾孫廷垣

康侯甫編

調集

長相思

寄南塘饒君

別風流憶風流竹林溪護野塘幽如隔海天頭
約同遊許同遊花前月下酒邊樓握手叙離愁

沁園春

堪嘆吾人浮生一世誰有百年常縈名絆利慮後思

前波二劫二怎得周全花臉紅殷柳眉翠減倏忽之間
雪滿巔到頭處只斜陽衰艸怨鶴啼鶻誰能息
棹停鞭竟擺脫塵埃世界緣且隨羨及飯省事安眠
心二念二與道周旋寶聚三田丹成九轉獨鶴孤雲
萬里天人喝采道乾坤漢子風月神仙

卜筮子

風傳竹外陰月瀉花間影美人背立畫欄杆玩味清
虛景 乾坤蕩二寬今古悠二迥豎將兩隻老肩頭
塵世都擔定

夢江南

名利客名利客外物豈風流萬里青雲誇獨步一朝
黃土作饅頭及早好休休

其二

修煉客修煉客物外逞風流一粟延來千古脈三花
攢出萬人頭塢的是貽謀

浪淘沙

物外有閑人羽扇綸巾水邊林下往來身達也不榮
穹也好隨處皆春

其二

炊黍夢回新感悟相因灘頭流水陌頭塵欲煉一丸
超萬劫達化通神

臨江仙 述懷

三百同年遊上苑當時何限威風金鞍駿馬似飛龍
玉街三十里一片杏花紅今日故園閑俯仰幾多存
沒窮通到頭名利一場空蓬萊高萬丈壁立海天東

蒲庭芳 秋思

慨歎浮生水流東逝日向西傾英雄漢子對悟傷情
醉二常自醒二枕中鷄不鳴函谷雲際鶴豈喚華亭
儘交他花粘艸絆難比定盤星

少年心 秋憶 又名蒲江紅

天風扶我上層樓故意顯他秋一片碧天連水高下
混同流雲彩滅日光浮物華幽動人情處岡臯鳴鶴
沙軟眠鷗

其二

風流不染世間愁今日暫登樓誰把秋家情狀一一
罷前頭蟲啣二鴈悠二葉颼二倚闌吟望雲霧楚廟

日闌秦樓

長相思

朝倚闌暮倚闌相思不斷似連環人在玉門關
別時易會時難杳无青鳥報平安獨大北風寒

滿江紅 秋懷

倚遍曲欄干不見長安西風陣一
桂花寒幾點鳴鴻天外去超出塵寰
仰面發長歎何等高閑少年景
暮便辭官一寸芳心千萬里弱水蓬山

其二

懶性厭爲官費盡機關黃梁一枕
夢驚殘揖別儒流尋道伴四海三山
坐老一蒲團未了心緣海天迢
迢盼青鸞花到芙蓉秋已矣天上人間

長相思

苦相思害相思一日思君十二時
人隔海天涯數歸期悞歸期枕中纔見
又分離怪殺野鶯啼

滿路花 夜懷

無情樓上鼓敲報一番更更更隨鼓盡
又天明浮生枕上敲惹夢魂驚披衣忙
出戶波波碌碌大家奔個

東坡全集卷之七
前程百千勤苦一功名也只眼前榮落花隨水去
怨流鶯多情雲水邀我學長生三甌無事酒玉簫吹
動超然一曲昇平

其二

窗前明有月窗裏寂無燈開窗延月入惹多情溫存
鉛鼎不比少年行刀圭空切面油龍滯虎何時一粒
分明古今天地不公平偏吝我蓬瀛今番吹別調
換新聲化工旋幹畢竟要圓成呼童忙熟酒酣歌慷
慨肯教辜負生平

灑江月

人生浮世俯仰寄壤間此身如寄前日看花能幾時
風滾殘紅滿地白髮相催朱顏無幾妙得看花意莫
負青春及早別尋生計便教放浪形骸週遊雲水
脫洒名和利割斷九曲凡腸培養萬全元氣爐鼎兩
般刀圭一味衝破塵籠超今邁古表表英雄漢子

水龍吟

眼前无限浮生者恨飛絮漫空落花委地紛紛凋謝
盡把愁腸惹又見人玉堂金馬勢轟轟一振壓朝野今

一撮荒山下
那個耽驚受怕
混流俗裝痴
害啞把
功名路口人
鬼關頭一筆勾
罷別有玄玄話
構坎離
沈醉流霞
盼蓬麻
風月萬金無價
日長春天不夜

東溟家乘卷之八

臨汝王統

必元甫著

曾孫廷垣

康侯甫編

七言絕

觀史

女媧煉石補天柱
后羿援弓墜日烏
莫把爐灰止涌
水畱他洗滌簡編汙

鼎湖上面屹君山
傳說軒轅此煉丹
功德巍高一高五
帝萬幾忙裏一偷閑

東坡家乘 卷八
寧王玉笛范公舟改換恩私作怨尤獨有張家樓上
宴苦禁霜月夜來秋

金牛有力曾通蜀泥馬無情却渡江神恠或能超萬
有儒流只解說三綱

掌中楊柳弄腰肢足下蓮花步出移盡向長門爭寵
幸誰從永巷究箴規

一跳輕身定漢儲千金買骨壯燕謨不知八駿同遊
太得見西王母也無

赤壁寒流成沸湯周郎英武類孫郎金陵鼎建興王
業大小喬姨與有光

楚羈不禁三月煨秦儒應恨一坑灰吁嗟赤壁偏焚
艾其炎炎劉運不回

倉卒黃袍可脫逃叮嚀金匱不堅牢宋儒錯認唐虞
禪聖祖神宗一例褒

絳侯狄相苟沉迷誰顧司晨有牝鷄不到女中堯舜
地縱能盟櫃也成非

帝德王功霸豈空唐懲漢雜却之夷後手有宋嚴程
度三代寥二或庶幾

晉廷懷愍宋徽欽萬拍胡笳不盡吟冠履倒顛堂陛
紊民流恨血到如今

不知滅竈還增竈謾說囊沙與唱沙呼吸中間行詭
道古今前後數兵家

倚間終日因齊望仗劍當時爲漢謀莫使徐兕方寸
亂落花無主木東流

七邑城池匪我疆八千子弟盡他鄉不知三德剛柔
克周赧王同楚霸王

宋渡南來晉渡東漢前劉備後劉琮史家筆削春秋
意合與周遷洛邑回

胡虜由來禽獸倫肯同兄弟及和親阿孫十萬橫磨
劍終作燕南背逆臣

連二烽火滾邊塵聚作豺狼散則人不道旅鰲金石
訓一王明德四夷賓

餒豚切怪細人讒捫虱專爲亂世談不道一寒如范
叔變遷王伯至于三

黃帝沙中索俠邪將軍帳下隱讐家三遺莫尚廉公
馬兩鬪須還藺相車

攝政荆軻事可哀知吾免也更誰哉一般輕命同秋
葉幾個高情觸暮槐

五帝三王多少君雲臺烟閣百千臣大哉天縱吾夫
子跳出君臣外做人

駢乘如何是禍因渝盟安得便情親相逢首獻南陽
策做得元勛頭上人

牆内生憂患不均舟中皆敵要爲仁一般百二河出
險八百年周二世秦

豆在釜中徒自泣粟於斗內尚誰春莫吹花萼樓頭
笛隔個小廳淡幾重

反覆周官已可疑平章樞密轉紛披唐虞惟百夏商
倍千古明良大昧時

面友難同心友言范張管鮑世稱賢酈生買友心何
在心在炎劉四百年

興漢何嘗係袂符亡秦安得在圖書誰將事拔稱遷
史輕信王舟入白魚

函谷鳴鷄放客行草草喚鶴要人聽消去道上紅塵
夢萬二中无一個惺

道德功名拈兩闡果誰劣也果誰優一般函谷關前路憂不聞鷄喜見牛

有把全軀箝越市可憐雙目抉吳門四時氣序成功
遺舟載陶朱別處存

辭漢金人尚淚流過殷玉馬果誰尤不知帝冑何顏
面肯向讐家作列侯

八龍變化非專漢五桂芬芳不係周誰起孔明相與
話弟兄三位果誰謀

海水田桑忽變更誰家簫鼓轉春鶯被毛莫咲秦宮
女天表綱常不舛情

周基八百兆非熊漢鼎三分起卧龍不道羊裘來物
色冥鴻微露九霄蹤

白帝城邊起肇基朱仙鎮徒好乘機伯圖謾建王師
友千古留人一是非

陸地波濤瀚海桑可憐塵世一更張何人肯效東陵
子後世徒傳北海王

紛紜塾序變郊畿只個身心是要機一自唐虞三代
後臨雍視學也幾希

蘇湖設教涓涓耕聖學王師業已成一命寄來斯可
已橫渠徒切井田情

啓心折面總嘉猷鸞鳳難分劣與優一網可能都打
盡中間猶自漏吞舟

誰將鐵作面和肝不作心來也只閑試展聖經賢傳
看言二惟是格心難

大江似隔小屏風鼾睡聲聞榻外翁苟利小安忘大
辱晉中宗與宋高宗

六朝建業宋臨安一榻區二苟已完幾度擡頭伸隻
手八方吹得五心寒

焚火秦宮女伴逃媚人縈已兩爭高從他臂染腥紅
血羸我身生鷺雪毫

七制三宗四聖儔若爲繼得夏商周時君世主齊驅
著讓出前途一馬頭

春秋一筆絕於麟誰着成周以後君間有二三毛翼
捷不將長翮戾高雲

列國書同歷代書春秋綱目費工夫金丹點化螻蛄
轉飛作牟尼佛頂珠

申生去後有扶蘇秦晉餘殃及鳳雛宋李宸妃劉太后保全仁廟永不圖

維楊遊幸便爲家鬼物沉迷料不差謾說瓊花生道院等閒不比後庭花

下殿誰禳入斗熒舉盃難勸萬季星成湯盛德深宮裏天地山川莫不靈

如姬妹喜玉顏妃傾國傾城共殺機幸有娥眉山下鬼敕將鸞馭蜀中歸

絕色明妃卽貴妃天生尤物弄危機漢家識見超唐甚遠二推將與外夷

方寸中間變換多生機只就殺機那九年水與七年旱無柰堯湯德政何

關中管說興王地燕北茲爲聖代都堯只平陽舜蒲坂道中形勝古今殊

怒頭撞倒不周山天地樞維缺折間何物女流能煉補聖皇當宁却推閒

食利畊農貨利商利民醫藥草親嘗幾番毒死不成死惜不傳人不死方

霧能迷日不迷心
感皇仁似海深
爾蚩尤當自
化何消更製指南針

鼎湖流水碧連天
龍逝鳥號其寂然
何是名流方外
士一朝天子萬年仙

九日燒天一箭空
長蛇封豕蕩無蹤
虞書備載常行
事脫漏神奇鬼異功

威服蚩尤感越裳
指南名譽古今香
華夷一統莫吾
用專與陰陽家主張

帝曹不似帝劉然
大義雖完意未完
惹起後人無憤
志江南隨處可偷安

聞鷄起爲中原舞
捫虱其同外虜談
絕勝紛二王謝
輩夢魂飛不出江南

劉氏興隆項氏亡
柔能剛也弱能強
緊關黃石公言
語逐一留侯授漢王

百戰關間揭赤符
從容數語訂皇儲
試將四皓方三
傑誰更風流好丈夫

留侯秘計定儲皇
四皓搬他傀儡場
贏得商山風味
好紫芝猶帶漢時香

鐵甲營中袒眾肩金藤櫃裏記慈言蕭牆內起滔天
禍不獨興周武則天

聖祖賢宗鼓善聲後儒誰敢破朱程不知學士懷中
詔已動金藤櫃裏盟

大器輕傳若轉輪孰爲宗嫡孰旁親長君社稷生靈
福不是蕭牆外面人

凝碧天邊舞鶴驚華林苑裏亂蛙鳴宵衣坐待視朝
早佩馬四街鷄一聲

禾黍歌中老夕陽琵琶聲裏怨年光金人本是無心
物也向西風泣兩行

歌罷哀歌二艷歌人妖纔舞二天魔以二種子不多
味早以風愆斷送他

青牛避入西關太白馬竊從南國來吾道中天如日
月敢言三個教門開

銀燭花中柱斧聲可曾當舜禪堯名宋儒只要尊宗
主是二非二畧不明

褒女曾蠲羸里囚秦宮仍竊孟嘗裘後人莫甚賢愚
辨同此丹心爲主謀

閱詩

斜陽赤壁焰波紅畫出周郎火戰攻素與喬姨區畫
定不消天假便東風

細味流言下士詩二公真偽死方知天津橋上鶴
日正是先生好死時

道本儒言二節書儒書世道其隆污秦書一世儒書
滅萬世儒書滅得无

當年才智肆無邊浮世功名打不穿若使劉郎今尚
在春風葵麥轉悽然

流水落花非舊春君王舉筆尚如新可憐降敵多男
子不及哀吟一女人

大河南北折西東今也分攜管混同一榻外容人
睡醉鄉誰念阿家翁

春染江南透骨融花窩酒窟錦屏風不應僧寺迷烟
雨畫個禪機色是空

世路風波幾閱牆眉山風雨獨連床一家骨肉綱常
話千載文章翰墨香

閱書

齊魯變來纔主道墨楊逃後始歸儒曾之一貫顏之
卓久列三千七十徒

同一春風鼓瑟聲由奚爲也點奚停儒生若也知師
意戶外聽如戶內聽

封人極口稱君子尹士甘心認小人何獨接輿沮溺
輩不沾吾道一些仁

釁鐘告朔禮俱優欲以何羊去易牛好牧牛山萌蘖
處世人却只牧心頭

論孟何如至末章源流二帝與三王分明禹稷伊周
輩墮落春秋戰國場

三月聞韶感嘆淡洋二盈耳一般音踰河躡海伶工
散孤負唐虞用世心

或言古樂猶今樂未必文聲劣禹聲善矣美哉韶舞
也夏昔周冕可通行

師弟源流一脉心談仁說義費精神欲施聖帝明王
術挽轉東周戰國民

乞墦奚啻一齊人媚竈都來幾衛臣飲水飯蔬居陋
巷古今無處不浮雲

誰毀誰譽爲直道不狂不狃是中行斯民自足蹈三代應有英才動聖情

學庸語孟書分四鄒魯思軻道本同二一陽春嗟一氣千株葉綠萬花紅

君親家國理何宜仁意涵容義分離誰說攘羊爲直行可知蜚鴈乘先機

世人春秋兆老莊紛紜戰國墨兼揚申韓瑣碎諸多術各俗吾儒一隙光

旌旗正二陣堂二怪穴妖壇一掃光何物梗頑惟佛老卒无青白競雌黃

聖人物我不容毫顏子仍无我善勞赤與由求爲尔尔狂哉黠也獨嘍二

托疾辭來取瑟歌朝齊甲郭竟如何要知不屑非常語君子成人術亦多

東周久矣異西周聖意倦二未即休一旦獻秦亡七邑惹將王道說諸侯

聖中容有清和任賢内无分嘜與愚安得集成如孔也不知屢空果誰與

魚之直果高之直田也愚殊柴也愚會得春秋褒貶
意各一實一要相須

聖人必於不容事於千沙天非善樂亦與由來爲示

東活家乘彙集卷之一

隱居吟

王昌

不事芒鞋與杖藜漫憑雙屐放山溪水流淡澗靜中
響雲補連山缺處齊倚母草邊眠野鹿引雛花下啄
山鷄久耽詩興忘歸晚無柰催人鳥亂啼

其二

老我無心出市朝東風林下恣逍遙一犁好雨秧初
綠兩道寒泉藥旋澆放擯曉登雲外嶺聽鶯時大柳
邊橋池塘聞說新生艸已許吟魂入夢招

滇南署中寄回

王盛

青春翰墨蚤馳聲曾擁臯比啓後生數畝烟霞尋隱
趣一川風月縱吟情雪中釣水持竿去雨後看山着
屐行爲語浯溪溪上水歸來擬濯舊時清

滇南署中再寄

用前韻

炎方忽聽鴈來聲接得新詩感慨生蓮府肯勞清夜
夢竹林偏惜暮年情八蠻務致梯山貢九折休辭叱
馭行棠棣香名須蚤大莫教頤顛擅雙清

下第感作

王政

青山倒影浸清波何處風來送掉歌古屋壁頽燈掩
映疎林烟重影婆娑傷心事業空懷壁過眼充陰漫
擲梭勝負也知棋一局生靈誰爲起沉痾

途間寄奉東洲兄長

王謹

春初日與路爭長馬首看來非故鄉
分功名瑣瑣伴人忙厭留客酒淡無
可傷身在征途心棣鄂一宵無柰九迴腸

其二

乾坤何廣路何長明日高樓又一鄉久客自辜兄弟

樂何人不逐利名忙關山笛弄聲悲咽風雨床連心
感傷舊恨新愁千百種寸緘安得盡衷腸

松滋署中次韻奉酬東洲兄長

食淡何妨頽伐檀安常謝却甚悲懽胸中湛湛鏡無
底物外飄飄衣有爛旬日虎龍看漸熟八公鷄犬拔
何難海枯石爛乾坤老應笑塵寰祝壽山

晚酌

王 淮

暑氣薰人神息癡畫欄樽酒恰相宜葵花盞蕩月兪
碎桂子香生風味奇人到醉時融俗骨天留佳處沁
詩朋奚童莫漫歌喉轉聲過閒雲不得飛

閒坐

不貪茶酒往東鄰懶着衣冠禮北辰省一事踰生一
事在家人似出家人蟬蛸蒼狗無涯世濁酒黃鷄小
可春閒坐小樓簾捲日悠悠今古領頭頻

白雲峯讀書作

王 濬

白雲淡處從青山我向青山學孔顏只恐槐黃催我
去青山無主白雲閒

踈山寺讀書作

曲曲疎林面面山白雲深護老禪關松風半榻僧眠
穩棋畫一聲客意閒避俗載書千百卷尋幽俗屋兩
三間絳紗他日籠塵壁始信人龍到木蘭

鵲蚌相持詠

曉日初升錦穀寒野禽何事苦相干琢開玉體珠胎
損苦惹泥沙翠尾殘開口無如緘口好人頭容易出
頭難蚤知俱獲漁人利雲水飛潛各自安

輓東溪伯母

斷絲機冷自簷西欲逐春塵步已齊雉羽光疑紅日
爛鳳毛心傍綵雲栖芳魂載月歸天上餘懿流風藹
路蹊猶子愛鍾溪抱恨一襟清淚漬重裊

物外吟

王 泮

一片浮塵萬古愁幾番滄海變陵丘凡心似火炎炎
灼俗態如波靡靡流桃洞可忘秦世界蒲編誰理魯
春秋欲拚儒業尋仙術野鶴閒雲汗漫遊

雜詠

兩頰花紅萬髮星老來殊覺轉精靈酒腸滑後盃無
筭詩思豪來筆不停夜夜月華閒處翫時時天籟靜

東坡家乘 卷一
中聽凝神更着遊仙夢飛到蓬萊第一扃

其二

水滾殘花風滾塵何人跳出此迷津
大家事豈一家事當代民猶三代民
性命有誰尋黍米功名無恨說麒麟
吳歌楚曲尋常聽不信陽春調子真

閒吟

紅日三竿蚤起遲黃鷄一筋晚餐空
門前過客非知己林下休官更數誰
手舞風來衫袖滾脚梯雲去杖藜隨
佳山勝水開風月飽享昇平好日期

